

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 2. Dignitas, & officium Parochi.

[urn:nbn:de:hbz:466:1-61816](#)

PARS I. TIT. III. DE PAROCHIS.

certum populum habeat. Per se enim Capellania & Capella beneficiū simplex est. *Selva de benef. part. i. q. 4. Abb. Imola. Azor. II. l. 3 c. 8. Dixi in Iure Canonico non vocari Parochos, quia usus & consuetudo his temporibus aliud jus fecerunt.*

VII. Quando Ecclesia Parochialis accessorie unita est beneficio, vel dignitati alicui simplici, & in eā Vicarius perpetuus constituitur, titulum Parochi, & curam habitualem habet Principalis, curam aequalem verò, seu exercitium Vicarius. Secus erit, si vel Vicarius sit temporalis tantum, vel Ecclesia filialis. Tunc enim Rector seu Principalis per se censetur servire, & illius nomine, qui substituuntur. *Cum veniss. De rest. Spol. l. Quod meo. ff. De acquir. poss. Barbosa. in Rubricā de officio Vicarii. & c. super eo de præbend. Franc. Leo in thesau. Fori Eccles. Par. i. c. 10. Silv. V. Vicarius n. 5. Armilla eod. & alii Summ.*

NOTA. In prædictâ Parochialis Ecclesiæ cum dignitate vel Canonicatu unione cavendum est abusus, qui nonnullis in locis invaluit, ut cum Parochi titulo fructus potissimos principalis ad se pertrahat, vix tantillo reliquo, unde Vicarius honestè vitam toleret, quamvis onera omnia solus sustineat.

§. II.

De dignitate Parochi & obligatione residendi.

I. Parochus quia Episcopi vices gerit, qui dicitur Rector parochialis, *c. bona rei 12. q. 2. ob id alijs videtur præfrendus secundum Reg. l. si eum s. qui iniuriarum ff. si quis cautionibus. Cumque pasto-*

ralis cura sit difficilis & periculosa, merito iudicatur pretiola. Hinc Molanus de Canoniciis l. 2. c. 14. Canorico censet præferendum esse parochum: tum quia munus ipsius est ars artium. *Cum in illis de præb. tum quia major in illo scientia & discretio requiriuntur. c. pen. de etia. & qual. ordin.* Denique quia non exigitur in Canonico Ordo Sacerdotii, quemadmodum in Pavocho. Quæ ut vera sint, absoluē loquendo, non admittent in Germaniâ nostrâ Canonici Cathedrales, quamvis nec scientia nec ordinum sacrorum dignitate conspicu forent. Nec desunt tituli illis, quibus præferantur. Extant quoque apud Barbosam Decisiones Congregationis Sacrorum Rituum, ubi fol. 84. in funeribus & processionibus publicis primus locus Cathedralibus Canonici tribuitur, ut qui collaterales consiliarii & quasi domestici sint ipsius Episcopi. *Barb. Par. i. c. 9. n. 6. Franc. Leo in thesau. Eccl. Par. i. c. 9.*

II. In propriâ Ecclesiâ Rector omnes majores & superiores antecedit in dicendis Missis solennibus & aliis quibuscumque concernentibus officium ipsius. Nam etiam major minori cedit in domo sua, & quilibet in proprio munere aliis præfertur, quamvis extra illud cedere debeat. Ob eandem causam Rector Ecclesiæ Parochialis tanquam illius caput ante alios thurificandus est, juxta definitionem Congreg. Rituum apud Barb. to. cit. qui addit, nihilominus, Paroco non in sede, sed in scanno sedendum.

III. Ut inter plures Parochos sive regulares, sive saeculares debitus ordo servetur, attendenda est ipsarum Ecclesiarum majoritas & prærogativa, & censuit sacra Congregatio Rituum in una Astensi 27.

Mart. An. 1609. In funeribus autem praecedit Parochus, in cuius templo defunctus sepeliendus est. idque Romæ quoque observari, & à se notatum esse commemorat citatus *Barb. n. 13.*

Qværes. An Rector ecclesie & Parochus nomine Praelati gaudeat? *Rt. Rosella V. num. 7.* si nomen Praelati latius sumatur, gaudere; strictius autem accipere, qui negant, requirentes dignitatem eum iurisdictione etiam externa. Quo sensu loquuntur *Glo. Cardin.* & alii apud eundem allegati.

IV. Rectores ecclesiarum & quicunque parochi iure divino in ecclesiis suis residere debent etiam tempore pestis, sive multi fuerint subditi sive pauci, licet tres, tantum forent. *Con. Tr. Sess. 23. c. 1.* ubi licet de episcopis loquatur, contextus & lequentia ostendunt, de omnibus intelligendum, quibus animarum cura commissa est. Illis enim dicitur. *Prov. cap. 27. V. 23.* Cognosce vultum pecoris tui, & greges tuos diligenter considera. *Item Acto. 20. V. 28.* Attende universo gregi, in quo vos Spiritus Sanctus posuit. *Barb. Collect. Decis. Apost. n. 572.* *Bern. Posseu. I. De off. Curati. c. 1.* Non potest ergo dispensare Pontifex, inquis, & permettere ut Parochus aliquando absit? R. quamvis in iure divino, summus Pontifex, proprie loquendo, dispensare nequeat, declarat tamen hic & nunc sufficieniem causam esse, cum lex divina non obliget. Caveat unusquisque, ne confidam excusationem praetendant, & ad dispensationem non valitaram summum Pontificem inducat. *Jacob. de Graff. l. 2. c. 97. l. 3. c. 15.*

Item dicendum de alijs Curatis, qui habent iurisdictionem fori externi, seu

contentiosi, qui non minus obligantur ad residendum, quam parochi, qui animarum curam gerunt. *V. Lud. Lopez Par. 2. Instrutorii c. 100. p. 620.* ubi Curatum sine causa non residentem dicit à Confessario absoluendum non esse, etiam si vir illustris sit, vel mille dispensationes praetendant.

V. Parochus habens duras parochias unitas residere debet in maiore seu digniori: si non conset, que dignor sit, in ea quæ frequentior & periculosior. Si extracivitatem una est, altera verò intra civitatem, in haec illi commorandum erit. Si parent, aut videntur, eligat, in ultra potius residere velit. Si quis cum parochia Canonicum possidet, obtenta dispensatione in parochiali residebit. *Conc. Trid. Sess. 23. c. 1. Declarat. num. 9 & 10. Moscon. l. 1. Par. 1. c. 21.*

VI. Vbi Vicarius perpetuus ex more constitutus, illo vivo non tenetur residere principalis, seu Rector ecclesie. Nam actualis animarum cura omnimodè ad Vicarium pertinet. Quod si Vicarius temporalis & amovibilis sit, à contrario residere debet principalis, quia animarum cura ipsi incumbit primariò. Sed quia non eadem incommoda ex ipsis absentia metuenda sunt, facilius in obligatione residendi Episcopū dispensabit.

VII. Ne in residentia sua parochi impeditantur, cautum est, ne elegantur Vicarij generales, Visitatores, Secretarij, fiscales &c. Nec episcopo licet ultra duos menses opera alienius parochi uti, quemadmodum censuit Congregatio *Conc. Trid. Anno 1618.* Si autem ecclesiæ Cathedralis parochus sit, poterit Vicariatus officio fungi *V. Barbosa pag. 75.* ubi amplius memo-

tat in totâ provinciâ Toletanâ presbyteros, qui Parochiales ecclesiâs obtinent, non posse iudices ordinarios, aut delegatos esse appellationum ex Decreto Pauli V. die 17. aug. 1615. & Gregorii XV. die 9. Maii. 1622. ubi extendit ad omnes ecclesiâs parochiales Castellæ, & Legionis.

VIII. Olim studiorum causa per septenium abesse licuit parochis, hodie vero id permittere episcopi non possunt iuxta Con. Tr. sess. 23. c. 1. Et Congregatio Cardinal. non temel consulta respondit, non esse sufficientem causam absentiae, ut studijs incumbant, nec Ordinariis liberum esse nulli licentiam impertiri, nec fructus percipere posse, si quando ob prædictam causam absuerint. Quibus autem conditionibus concedi facultas possit, à Cone. Trid. loc. citato ita definitum est, ut si episcopus causa probè cognita indulgere velit, licentiam in scripto, & gratis concedat, reliquo Vicario cum congrua mercede ab eodem Episcopo approbate.

IX. Non excusat Parochum à residendo ætis intemperies ab extrinseco caufata, nisi certo anni tempore, nec inimicitiae capi tales. In his quæ sine culpa parochi ortæ sunt, datur annus. Declarat. Con. Tr. I. cit. Odium solum parochianorum non sufficit. Neque senectus excusat, quamvis illi Ordinarius daret idoneum Vicarium. Idem dicendum de infirmitate etiam dato, & constituto adiungere, nisi aliter, quæm in distantî loco curari non possit. Præterea in nullo casu excusatur Parochus ne administret Sacra mentem mortienti, ne quidem metu pestis, seu alterius contagiosæ infirmitatis. si presbyter 26. q. 6. Alias, quod supra diximus Tit. II. §. 3. absentiam ab episcopo concessum excusat Charitas, nec essi-

tas & ecclesiæ utilitas. Denique ab Concil. Trid. sess. 23. c. 1. indulgetur, ut singulis annis animi relaxandi causa abesse queant per duos menses continuos, vel divisos, dummodò iusta causa sit, quod illorum conscientia relinquitur. Toletus l. 5. c. 5. n. 3. monet ad legitimam parochi absentiam quatuor conditions requiri 1. est, ut causa rationabilis sit. 2. ut proberetur ab episcopo & in scriptis. 3. ut ad summum duorum mensu sit 4. ut interea substituatur aliquis cum congrua fructuum portione, qui benè, & absque defectu absentis munus obeat. Adde Petri à Soto doctrinam, de cura animarum lect. 5. ubi post summe necessaria & salubria monita subdit. Absentes Parochos propter absentiam obligandos non esse ad restitutionem fructuum, cum sufficiat agnoscere, quantum sit peccatum, contra quod terribiliter per Zachariam Prophetam clamatur. *V. a pastor, & idolum derelinquens gregem.* Sed de non restituendis fructibus congrue explicandum est, nimis si officio suo per Vicarium satisficiat, V. Bern. Poffeu. l. de Curato. c. 1. n. 33.

§. III.

De officio Parochi.

I. Præcipuum munus Parochi est verbum Domini prædicare, de quo Concil. Trid. sess. 5. c. 2. Archipresbyteri quoque, Plebani, & quicunque Parochiales, vel alias curam animarum habentes Ecclesiæ obtinent, per se, vel per alios ab Episcopo approbatos, si legitimè impediti fuerint, saltē diebus Dominicis, & Festis solennibus plebes sibi commissas pascant salutari bus verbis, docendo, quæ scire omnibus necessarium est ad salutem. Materiam, & modum concionandi Leo X. in Con. Lateran. præscribit. Can. 7. de offic. Prae-